

## **Symma Juris Canonici**

Comprehensa Tribus Partibus In Qua Distincte Et Succincte Explicantur,  
quae ad personas, negotia, & iudicia Ecclesiastica ex Canonum præscripto,  
pertinent

Sive Commentarius In Regulas Juris Pontificii, Quæ In Libro Quinto, Et  
Sexto Decretalium Continentur

**Strein, Johann**

**Coloniæ Agrippinæ, 1659**

Regula LXI. Quod ob gratiam alicuius conceditur, non est in eius  
dispendium retorquendum.

---

[urn:nbn:de:hbz:466:1-61853](https://nbn-resolving.de/urn:nbn:de:hbz:466:1-61853)

## DE REGVLIS IVRIS.

*Contumacia. & DD. int. 2. ff. si quis ius dic.  
non obtemp.*

Obj. 2. Hæres, qui in locum defuncti succedit, justam videtur habere exceptionem ignorantiae, qua latet illum acta, & pacta defuncti: Item hæreditas iuris non parit obligationem inter hæredem, & creditorem: deinde considerari solet, an promissor habuerit facultatem solvendi, nec ne: nihilominus contemptis his omnibus hæres de mora condemnatur, & in pœnam incidit.

R. Quia hæres personam defuncti representat, ejusdem obligationes in se receperisse censetur, conveniturque non fecus, ac si idem homo faret. Tempore promissi igitur clapso satisfacere debet, non propter moram, quæ non nisi fiducia esse potest, sed propter obligacionem, quæ ipsis ut successori plenariae imputatur. l. Cum à matre. C. de rei vindicat. & ibi DD.

Obj. 3. Debitoribus ex personali actione condemnatis exceptio suffra-

gatur, ut intra certum tempus ad solvendum cogi non possint. l. Debitoribus. ff. de re iudicata. Hæres tamen pro re legata conventus, & damnatus, non obstante hac exceptione ad fructus intermedio tempore perceptos propter moram obligatur. l. in fideicommissis ff. de usur.

R. Non propter moram fructus ex re legata perceptos hæres restituere tenetur, sed quia ex re non sua comparavit, neque fas est eum ex alieno distinctionem fieri: & alios ex sua iniuste detenta damnum sentire. Salicetus in l. citat. ff. de usur. Nam quisunque à testatore legatum constitutum est, illius dominium acquirunt statim à morte testatoris. l. 64 ff. defuit. non tamen possessio. l. 5. C. de legat. Nec vindicare illud sibi propriâ auctoritate potest, sed ab hærede accipiet: qui si in mora fuerit, turti reum se facit, & ad omnium fructuum, ac damnorum compensationem obligatur. V. que diximus in Part. 2. summetit. iv. §. 8. n. 16.

## REGULA LXI.

*Quod ob gratiam alicuius conceditur, non est in eius dispendium retorgendum.*

1. SVmpta videtur ex l. nulla iuris ratione ff. de legibus. & l. quod favore. C. ed. tit. Exemplum Gloss. suggerit ex c. Charitatem. 12. q. 2. ubi præcipitur, Oeconomis ecclesiæ, ne putent sibi pro labore inventarii ab ecclesia quicquam deberi: alioqui favor, & gratia, per

quam ecclesiæ attribuitur Oeconomus, in ipsius dispendium vergeret.

2. Clarius apparet in privilegiis minorum, qui non possunt in judicio esse sine auctoritate tutoris. l. Claram. C. de prestanda

T 2 auto-

*auctor tutor.* Vnde sententia contra illos lata nullius roboris est. *I. Acta. & I. contra pupillum ff. de re iudicata.* Si autem pro minore feratur, valet. *I. non eò minus. C. de procuratorib.* Item minoribus conceditur, ut petere restitutionem in integrum possint contra venditorem: quo beneficio quamvis uti nolint, non licebit tamen adversario ad libitum suum venditionem rescindere, ne beneficium convertatur in officium, aut dispendium. Item favor pupillie est, ut si moveatur quæstio de statu, & bonis, judicium differatur, usque ad terminum pubertatis: si tamen manifestas probationes habeat, in continenti decidi potest, ne ex dilatione damnum sentiat. *I. Carbonianum ff. de carboniano editio §. Due.*

3. Privilegium civitatis datum clericis, & scholaribus non includit onera, quibus cives gravantur, sed de favorabilibus accipitur: alias non in commodum illis, sed damnum cederet. *Bald. ad I. Si Ruffinus. C. de testam. militis.*

4. Addit Peckius, si juris possessor plebejo genere natus post 20. annorum prælectiones nobilis efficiatur. *I. I. C. de profess. qui in urbe Constantinopol. non idea perdit beneficium, quod habebat ut popularis, ne nova dignitas ipsi noceat. Et generaliter novi beneficii collatio vetera non extinguit: & vetera privilegia novis non tolluntur, sed augmentur. I. fin. C. de propositis agentib. in rebus.*

II. Amplia 1. Ut valeat, quamvis præsumptio iuris communis obstat videatur. v. gr. Vxori suæ testator reliquit domum ducentis libris æstima-

tam, eâ conditione, si minus valeat, ab hærede suppleatur. In æstimatione autem invenitur pluris valere quam 200. libras. Non propterea tamen retractari debet, ne gratia testatoris minuatur: cum præsumere liceat, excessum illum benignitate testatoris condonatum est se uxori. *Zafius in I. Nulla ff. de legib.*

Amplia 2. Ut valeat, quamvis major favor obstat, & concurrere videatur. Non enim, exempli causa, ut maximæ civitatis maxima ornamenta sint, ideo minoribus sua detrahenda, aut minuenda sunt, ut sapienter olim à Carolo V. Imperatore responsum ferunt. Quod autem dici solet, ab his, quæ favoris publici sunt, recedi posse, cumid major Reip. favor suadet, de una etiamque Rep. non de alia, cui præjudicium fieret, intelligendum est.

Amplia 3. Licet in specie seu particulari utile videatur, favorem aut prævilegium contrahiri, & velut retonqueri. Exemplum ex *Glossa ponit Peckius.* de anno probationis, qui in gratiam tyronum constitutus est, ne præpperere, & nondum exploratis bene viribus, se religioni obstringant: potest nihilominus huic favori renunciare novitus, & ante completum annum probationis (extra ordines mendicantium) professionem edere, ne ipsi nocet annus probationis, quod pro eo utique constitutum est. Ita Peckius non sine gravi errore, si de hoc tempore loquitur, quo à *Cone. Trid. sess. 25. c. 15.* decretum est, ut nulli licet professionem facere ante annum probationis perfæcione completem, ut latius diximus in *I. Part. sum. tit. 15. §. 3. n. 1.* Neque aptius vide.

videtur exemplum, quod subjicit, de creditore. Sicut, *ait*, creditor apocham cogitur dare debitori de facta solutio- ne, ita exigere potest, antipocham, quā testetur debitor se solvisse, ne post la- plsum 30. annorum suppresa istiusmo- di ichedulis se unquam solvisse neget, & sic præscriptissime contendat: at qui ta- men cum hoc inductum sit favore cre- ditoris, non cogitur id facere nisi ve- lit, *plures*. *C. de fide instrumentorum*, tamē si fieri expedit, ut omnis occa- sio fraudis tollatur. Addendum, si non exegerit antapocham creditor, nullum inde sibi præjudicium generari, quemadmodum in citata lege indicatur: aliás ad intentionem Regulæ nihil allatum exemplum facit.

*III. Obj. 1. Pupilli maximus fa- vor in jure est, nec tamen illi licet ab- que tutorē adire hæreditatem etiam lo- cuplem, adeoq;e damnū patitur.* *In*st. de auctoritate tutorum. §. Nequa ta- men.**

R. Ex loco citato. Auctoritas tuto- ris in quibusdam causis necessaria pu- pillis est, in quibusdam non est necessa- ria: ut ecce, si quid dari sibi stipulentur, non est necessaria tutoris auctoritas, quod si aliis promittant pupilli, nec- cessaria est tutoris auctoritas. Nam placuit meliorem quidem conditionem licere ei facere etiam sine tutoris auctorita- te, dereriorem verò non aliter, quam cum tutoris auctoritate. *Ita ibi.* Vnde colligimus, non liquere, quod ad eun- do hæreditatem, licet magna videatur, rem suam meliorem faciant, ac proinde prohiberi, qua fieri potest, ut lateant maxima onera sub specioso titulo hæ-

reditatis. Hæc igitur prohibitio maxi- mè favorabilis est.

*¶ Obj. 2. Si vina quis vendat, exci- piendo acida & mucida, in gratiam em- ptoris & nihilominus acidæ elegerit empor, non subsistet contractus.* *I. Si vina. l. ff. de periculo, & commido rei vendi- ta.*

R. Non vendere vina corrupta non censetur esse privilegium, cum ju- ris, & æquitatis id ratio exigit. Insuper resistit citata lex volenti vina acida præ melioribus, quia præsumptio juris est unumquemque sibi cum primis be- nè velle: & consequenter vel errore, vel dementia captum esse, qui contrarium agit, nisi ejus facti commodam ratio- nem adferat.

*Obj. 3. In l. pridem. C. de questioni- bus. cavetur, ne servi, vel liberti paterni, aut materni etiam in favorem domini, vel patroni torqueantur.* Vnde sequi- tur, quibusdam privilegiis ne quidem uti licere.

R. Si permitteretur servi, & li- bertos in favorem dominorum suo- rum torqueri, etiam in odium illorum torqueri poterunt, quod leges vetant, & eatenus magno favore dominos pro- sequuntur.

*Obj. 4. Nobilibus favore merito- rum conceditur titulus maximè gra- tiosus, & expeditus: obest nihilominus non raro.* In quibusdam delictis enim multò magis puniuntur, quā plebeii, puta, si ingrati appareant dominis suis & patronis.

R. Non quia nobiles sunt, puniun- tur, sed quia nobilitatis immemores flagitosè vivunt: & vicissim majoribus

Y 3 præ-

præmiis afficiuntur, quando præclarè rem gesserunt. Idem dicendum est ad alias objectiones à Peckio propositas. Eorum enim, quæ per accidens eveniunt, non habetur ratio.

Obj. 5. Iudæos propter exemptionem, & privilegium nemo Christianus in die Sabbathi convenire judicio potest: ex quo privilegio nihil commodi habent, cum ipsi vicissim alios convenire nequeant.

R. Posterius hoc non oritur ex priori, sed aliunde. Quod enim ipsi

non convenient Christians in Sabbatho, lege Mosaica, seu divina præceptum est: quod verò à Christians non molestantur ex mandato Principum habent: eoque privilegio plenè, ac libertè fruuntur.

Hic Nota Peckii errorem, vel arrogiam, qui cùm dixisset, se ex septem objectionibus Dyni nullam allatum, sed merè novas à nemine hactenus tractas, hanc de Iudaïs n.8. & alteram de pillo, quæ Dyni prima est, n.9. allegat.

## REGVLA LXII.

*Nullus ex consilio, dummodo fraudulentum non fuerit, obligatur.*

I. C<sup>on</sup>gruit cum illa I.C.47. Consilii non fraudulentii nulla obligatio est: ceterum si dolus, & calliditas intercesserit, de dolo actio competit. Rationem Glossa addit, quia consilium non necessitat. c. Quisquis 14. q. 1. Quod præcipitur, imperatur, quod imperatur, necesse est fieri: si non fiat, penam habet. Vbi consilium datur, offerentis arbitrium est: ubi præceptum, necessitas est servientis. Hæc ibi. Idem l.2 ff. Mandati. Gaius dicit. §.6. nemo ex consilio obligatur, etiam si non expedit ei, cui dabatur: quia liberum est cuique apud se explorare, an expedit sibi consilium. Verum quibusdam non placet allegata ratio, alias communiter recepta, tum quia obligatio cujusque non penderet à necessitate, quam aliis imponit, sed ab

ea, quam ipse sibi per propriam voluntatem imponit. I. Sicut. C. de actione, & oblig. e. Licet. de voto, & tam in donatione patet, quām in aliis contractibus, in quibus consentiens obligatur, & tamen alii necessitatem non imponit: tum etiam, quia consilium fraudulentum obligat, ut habetur in hoc textu, & tamen in eo videt ratio Glossæ, quia non impunitur necessitas ei, cui præstat: & tandem, quia licet consilium necessariō sit servandum, adhuc non obligat. Ita illi, ex falsa hypothesa, & male intellecta intentione Regulæ: cuius non est sensus, eum, cui datur consilium, non obligari, sed illum, qui dat. Hic enim qualcunque dederit consilium ( modò non fraudulentum, id est, conscientiæ suæ contrarium ) non contrahit ullam obli-